

## XII

### TENUTA ET CORPORALIS POSSESSIO

1301 agosto 8, Grosseto

Il procuratore del comune di Siena si immette nel possesso della città di Grosseto con ogni sua pertinenza e, specialmente, di una *platea* dove un tempo insisteva il palazzo dei conti di Santa Fiora.

Originale, ASS, *Diplomatico, Riformagioni*, 1301 agosto 8 [c.440].

Copia autentica dell'8 giugno 1335, ASS, *Capitoli* 2, c. 35r.

Trascrizione di ASS, *Diplomatico, Riformagioni*, 1301 agosto 8: A. CAPPELLI, *Il Palazzo Provinciale di Grosseto. Appunti storici*, Grosseto 1903, n. I, pp. 39-40.

Regesti: *Inventario generale del R. Archivio di Stato in Siena. Parte prima (Diplomatico, Statuti, Capitoli)*, Siena 1899, p. 119; G. CIACCI, *Gli Aldobrandeschi nella storia e nella Divina Commedia*, tomo II, Roma 1934, p. 305.

In nomine Domini amen. Anno ab incarnatione eiusdem millesimo trecentesimo primo, inditione quarta decima, die ottava mensis augusti, pontificatus sanctissimi in Christo patris et domini domini Bonifatii divina providentia<sup>1</sup> pape ottavi anno septimo. Noverint universi presentem paginam inspecturi quod in presentia mei notarii et testium subscriptorum Guido Mini de populo Sancti Donati de Senis, sindicus communis et civitatis Senarum ut de sindicatu constat publico instrumento publicato manu ser Guidonis vocati Duccii scribe communis Senarum filii olim Herigi de Sancto Geminiano sub anno Domini millesimo trecentesimo primo, inditione quarta decima, die XXVI mensis iulii, sindicario nomine pro dicto comuni Senarum et nomine et vice dicti communis Senarum et pro iure conservando et manutenendo quod dictum comune Senarum habet in civitate Grosseti de Maritima iurisdictionis Senarum et in eiusdem civitatis Grosseti curia et districtu et in rebus infrascriptis, intravit tenutam et corporalem posessionem et quasi tenutam et quasi posessionem totius dicte civitatis Grosseti, et cuiusdam platee sive casalini in dicta civitate positi<sup>2</sup> in quoquidem casalino sive platea olim fuit constructum palatium comitum de Sancta Flore, cui casalino ex uno est Cionis domini Niccolai et ex alio via publica et ante platea mercati dicte civitatis, et cuiusdam porte dicte civitatis Grosseti, que porta vulgariter dicitur porta Cittadina; et platee, viarum, murorum, carboniarum, foveorum, fluminis Umbronis, plani, fontis et totius curie et districtus predicte civitatis Grosseti, intrando in dictam civitatem per dictam portam Cittadinam et eamdem portam claudendo et aperiendo et ea et omnia alia suprascripta manualiter adprehendendo, faciens et exercens in predictis omnibus et singulis et quolibet predictorum sindicario nomine quo supra omnia et singula que ad veram tenutam et corporalem posessionem et quasi tenutam et quasi posessionem pertinere noscuntur. Actum in dictis locis, coram Bindoccio Contis de populo Sancti Iohannis et Corso Rustichi de populo Sancti Donati de Senis testibus presentibus et rogatis. (SN) Ego Deus imperiali auctoritate notarius filius olim Contis domini Orgesi de Senis predictis omnibus et singulis interfui et ea scripsi et publicavi rogatus.

<sup>1</sup> divina providentia *prima dell'actum con segno di richiamo*.

<sup>2</sup> Segue ubi cassato.